



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Cautela Confessarii Pro Foro Sacramentali Occasione  
Decretorum S. M. Alex. VII. Innoc. XI. Et Alexandri VIII. ...**

**Matthaeucci, Augustín**

**Francofurti Ad Moenum, 1711**

Cap. XIV. Restitutio fructuum beneficij.

**urn:nbn:de:hbz:466:1-40684**

het alteri est prohibitum ipsum, privata auctoritate, occidere.

19. Quæritur, an ad honoris defensionem, possit licet calumniatores occidi?

Reip. Negativè, nam Alex. id prohibet, ratio est, quia, si injuria facta constituit in hoc, quod quis vocetur hereticus, cœbrius, fur, spurius, &c. occiso calumniatoris non est medium sufficiens ad illam resarcendam: nam, vel calumniatori non creditur, & sic integer est honor: vel creditur, & sic, licet occidatur, honor non acquiritur, quia id evenisse prudentes judicabunt non ex justitia cause, & innocentia offensi, sed quia fortior, & ad pugnandum aptior.

20. Quæritur, an liceat occidere falsum testimoniū, & Judicem, à quo sententia iniqua expectatur, cum alia via non possit quis se teneri?

Resp. Negativè, pro ut in decreto Alex. ratio est; nam, vel, qui damnum timet ex falsa testis depositione, & injusta sententia Judicis, potest suam innocentiam ostendere, vel non: si potest non derunt alia media se ab eis liberandi; & sic occiso non reputatur unicum medium ad impedire dampnificationem, adeoque, neque facta cum moderamine inculpata tutelæ: si non potest, suppliūm non evadet, nam occisio est causa, ut quis majori sit dignus cum se exponat periculo mortis, quæ occidentibus statuitur.

Nec valet, quod occulte occiderentur, quia propter hoc ipsum non licet, ne aperiat via occultis cœribus, ex quibus adeò perturbatur Respublica, & innocentes damnificantur, qui sèpè aliorum scelerum penas luunt. De proca-

ratione abortus dicendum lib. 2. cap. 20. & ibid. cap. 19. de occidente ad defensionem rerum.

#### CAPUT XIV.

*Prop. XX. & XXI. ab Alex. VII. &c.  
Restitutio fructuum beneficij.*

1. PROP. 20. restitutio à Pio V. Imposita Beneficiatis non recitantibus non debetur in conscientia ante sententiam quædā dicitur, eo quod sit pena.

PROP. 21. Habet Capellaniā Collativam, aut quodvis aliud Beneficium Ecclesiasticum, si studio literarum vacet, satisfacit sua obligationi, si officium per alium recitet.

Agitur hic non de quavis restitutione fructuum, sed de proveniente ex omissione Officii divini Beneficiatis.

2. Quæritur, quid veniat appellatione beneficij Ecclesiastici, & Capellania collativa?

Resp. Per beneficium Ecclesiasticum intelligitur jus perpetuum ad percipientes redditus Ecclesiasticos, ratione spiritualis Officii, Ecclesiastica autoritate institutum, & Persona Ecclesiastica ab Ecclesia collatum; per Capellaniā vero Collativam, beneficium, quod auctoritate Episcopi erigitur, & confertur, habens annexum onus Officii Divini, nec potest conferri, nisi Clericis, & à Persona Ecclesiastica.

3. Quæritur, ad quid teneantur Beneficiati, si legitimè non impediti non reci- tent Divinum Officium?

Resp. Si post sex menses ab obtento be- neficio, Officium divinum non dixerint,

(M.) 2

ad

ad restitutionem fructuum, pro rata omissionis Officii, & temporis, (tamquam injuste perceptos, cum eos suos non faciant) Fabricæ ipsorum beneficiorum, vel pauperibus faciendam, ut expressè Leo X. in Conc. Lateranen. const. incip. Superne dispositionis; quam innovavit, approbavit, & auxit B. Pius V. const. in eis. Ex proximo.

4. Sed quæritur, quantum sit restituendum?

Resp. Quantum idem Pius alleg. const. disponuit, ubi: statuimus, ut: qui horas omnes canonicas, vel pluribus diebus intermisserit, omnes beneficii, seu beneficiorum suorum fructus, qui illi, vel illis diebus responderent, si quotidianie dividerentur; qui vero matutinum tantum, dimidiam: qui ceteras omnes horas, aliam dimidiam, qui harum singularis, sextam partem fructum ejusdem diei amittat. Si partem notabilis omittat, juxta ratam, & toties ad restitutionem sub mortali tenetur, quoties pars fructuum correspondens omissioni tanta sit, qua in materia furti culpa mortalis foret, alijs sub veri, alijs Bonacci na de Hor. Canonic. disp. 1. quæst. 5. punct. 2. num. 13.

Idem dicitur de eo, qui eodem die in singulis horis paucos versiculos omisit, qui simul sumptui gravem materiam constituant; ratio est, quia datum ob causam, retineri non potest, causa non expleta, sed fructus dantur propter Officium, & jus in eos non acquiritur, nisi recitatione supposita, ergo retineri non possunt, Officio non persoluto; sed Officium non dicitur persolutum, quoad versi-

culos omisso, ergo fructus isti respondentes retineri non possunt.

Nec obstat dicere, Pium taxare solum restitutionem prototius Officii, vel singularum horarum omissione; nam, non ideo excludit, vel à restitutione liberat omittentem nonnullos singularum horarum versiculos, qui simul sumptui materiam notabilem constituant. Ex taxatione quantitatis à Pio facta pro singulis horis, potest prudens Confessarius colligere, quantum restituendum sit pro omissione partis notabilis ipsarum.

5. Quæritur, an beneficiarius sine omni interna attentione voluntarie regens Officium, teneatur ad restitucionem?

Resp. Affirmative. Ratio est, quia recitare hoc modo idem est, ac non recitare; nam idem est aliquid non facere, & non facere recte; & quemadmodum precepto non satisficit, & ad repetitionem tenetur sic, nec fructus potest retinere. Bonaccin. cit. num. 17. Sum. Leandi ver. beneficiat. num. 69. Qualis autem attentione, vel intentio requiritur ad horas canonicas, vid. c. 25. num. 9.

6. Quæritur, an habens plura beneficia teneatur fructus omnium beneficiorum prorata Officii, culpabiliter omisi, restituere?

Resp. Affirmative, quia sic constat ex Bulla Pii V.

7. Sed quæritur, an tot officia in die recitare teneatur, quo sunt beneficia?

Resp. Negativè, sed satisficit una recitatione. Ratio est, quia Ecclesia multiplicant titulos, non satisfactiones; sicut, concurrentibus eodem die pluribus festis, fideles satisfaciunt auditione

*Restitutio fructuum beneficij.*

93

nius missæ. Gavant. tom. 2. sif. 1. cap. 4.  
num. 9. & Felix t. 1. num. 493. Sed tenetur  
ad tot commemorationes Sanctorum,  
Titularium Ecclesiarum, in quibus bene-  
ficia sunt fundata; in quarum omissione  
peccat mortaliter, si omissione notabilem  
quantitatem constitutat; & restituere de-  
bet fructus respondentes singulis com-  
memorationibus omissis; nam laedit Ju-  
stitiam commutativam. Una tamen, &  
solita sufficeret, si omnia essent sub titu-  
lo B.M. V. Campion.

8. Sed quid, si ea beneficia iuste, &  
legitimè non possideas?

Resp. Ad tot Officia tenetur, quoniam  
beneficia sic posse illa; ratio est,  
quia, licet directè ex precepto Ecclesie  
ad nullum officium obligetur, cum nul-  
lum censeatur beneficium habere, nihil  
ominus ex jure naturæ est obstrictus, ne  
Deus contra voluntatem Ecclesie debito  
cultu, & obsequio privetur; cui certè  
ab iis exhiberetur, quibus ea beneficia à  
Papa conferrentur. Sed fructus suos non  
facit, quia nullum jus ad eos habet.

9. Quaritur, quo peccata specie di-  
finib[us] Beneficiatus commitat, si divi-  
num Officium omittat?

Resp. Duo, si ad divinum Officium  
persolvendum teneatur, etiam ratione  
Ordinis Sacri: usum contra obligatio-  
nem Sacris Ordinibus annexam, & alterum  
contra obligationem ex beneficio  
consequentem; nec solùm virtus Reli-  
gionis violatur, vi cuius suscipiens Or-  
dines Sacros ad horas canonicas tenent,  
verùm etiam justitia, ratione beneficij;  
nam Ecclesia hac lege, inito pacto, &  
contractu celebrato, dō, ut facias, con-  
fert beneficium, ut scilicet Beneficiatus

horas persolvat sub pena non faciendi  
fructus suos.

10. Quaritur, an intra sex primos  
mensis omittens Officium teneatur ad re-  
stitutionem?

Resp. Affirmative, cum Soto, Medina  
Layman, & Menochio apud Quaranta  
Smm. ver. *Horæ canonicae vers. additio*, ra-  
tio est, quia obligatio restituendi proprie-  
ter neglectum Officium canonicum, se-  
cundum substantiam descendit ex jure  
naturali, ut per hæc significat Constitu-  
tio Leonis, cum propter Officium detur  
beneficium, adeoque quasi sub conditio-  
ne praestandi Officij; & ideo fructus dan-  
tur loco mercedis, & tamquam stipen-  
dium operæ, & laboris; quos proinde  
Beneficiatus retinere non potest, si non  
faciat id, pro quo stipendium accipit.  
Nec obstat Pium loqui, post primos sex  
mensis, &c. qui non loquitur exclusi-  
vè ad Piores. Vid. Engel. *jus Canon. l. 3.*  
*tit. 5. §. 3. num. 26.*

11. Quaritur, an etiam Pensionarii  
teneantur Officium recitare, & si non  
recitent, ad restitutionem fructuum?

Resp. Affirmative, sic Pius; quicum-  
que pensione, fructus, & alias res  
Ecclesiasticas, ut Clericus, percipit,  
eum, modo prædicto, ad dicendum Of-  
ficium parvum B.M.V. decernimus ob-  
ligatum, & pensionum, fructuum, re-  
rumque ipsarum amissioni obnoxium.  
Nota, ut Clericum eum habere pen-  
sionem, qui, ut illam habeat, debet esse  
initiatus prima tonsura,

12. Quaritur, an etiam Parochi non  
recitantes Officium, teneantur ad resti-  
tutionem fructuum?

Resp. Affirmative, ut expressè Leo, &  
(M) 3. Pius,

Pius, sine distinctione loquentes, & extendentes dispositivam const. ad quocumque habentes beneficia Ecclesiastica cum Cura, vel sine Cura. Quamvis Parochis ob onera Parochialia debita sit aliqua portio fructuum, qua propter omisum Officium restituenda non est. In computatione considera qualitatem, & quantitatem onerum, qua subeunt eodie, in quo relinquunt Officium: si uno die totum Officium omittant, & nil oneris pro Parochianis in eo subeant, tenetur restituere omnes fructus illi diei correspondentes.

13. Quæritur, an Beneficiatus teneatur ad divinum Officium, si beneficium sit ita tenuis, ut non sufficiat ad vita sustentationem?

Resp. Affirmativè, quia Pius V. utitur verbis universaliibus, & qualiacumque alia beneficia, qua comprehendunt, etiam minima. Fagnan. num. 4. Bonacc. disp. 1. qu 2. punit. 4. num. 17. ratio est, quia Beneficiatus sponte sua acceptans beneficium, acceptat etiam onus illi adnexum; sicut viri contentus modica dote, tenetur uxorem alere, & fibi imputare debet, si tale incommodum subeat; sic etiam tenetur, licet ob grandines, & aeris inclemenciam insufficientes fructus percipientur, quia beneficia similiter periculis subjecta censentur, & cum talibus conferuntur.

14. Sed quid dicendum, cum redditus beneficiorum sufficiens erant, sed vel eos propter litem non percipit, aut hostes beneficiorum bona occupant?

Resp. Dum moraliter certus sit, se postea beneficiorum fructus percepturum, v.g. quia de lite excitata super beneficio à le-

posse, victoriam sperat, & proinde habere redditus interea sequestratos, tenetur recitare; si vero Beneficiatus absque sua culpa nullos omnino fructus percipiat, neque postea percepturus sit, intertin Officium legere non tenetur; ratio est, quia beneficium non possidet secundum omnem effectum, quandoquidem beneficium sit jus percipiendi fructus; & patet, ex quo Leo, & Pius obligent ad restitucionem fructuum beneficiorum, sed in casu nulli sunt. Layman.

15. Quæritur, an Beneficiatus negligens Officium teneatur fructus restituere ante sententiam Judicis?

Resp. Affirmativè, prout Alex. in decreto: ratio est, quia Officij recitatio ex Leone, & Pio requiritur, ut per se conditio ad obtinendum jus in fructus, ergo, qui illud non recitat, jus in eos non obtinet, nec suos facit; consequenter in conscientia, quacumque etiam Judicis sententia præcisa, eos retinere non potest. Reinfenstuel jus. Canon. lib. i. tit. 2. de conf. §. 10 num. 235.

16. Quæritur, an Beneficiatus per alium recitans Officium, satisfaciatur sua obligationi?

Resp. Negativè, & oppositum damatur ab Alex. obligatio enim Beneficiatus est personalis, neque potest per alium eidem satisfieri, prout colligitur ex Trid. Sess. 24. cap. 12. de ref. ubi: omnes verò divina per se, & non per substitutos compellantur obire officia. Vid. infra cap. 25. & lib. 2. cap. 32.

17. Atpetitur. Beneficiatus data opera omittit officium paratus ad ratam omissionis fructus restituere, quæritur an peccet mortaliter?

Resp.

Resp. Affirmative. Primum enim, quod est in beneficiatis, est esse mancipatos divinis Officiis, & habere onus colendi Deum recitatione Breviarii; sustentatio autem, quae datur est de secundario; nam stipendium datur propter ministerium. Unde omittens officium peccat mortaliter, quia non implet onus suscepit colendi Deum. Quod patet ex eo, quod restitutio fructuum sit etiam pena; Atque ita supponit culpam, que nascitur ex non impleta obligatione colendi Deum. Quid si non restituat, alterius culpe reus est, quia retinet rem non suam.

C A P U T X V.

Prop. XXII. ab Alex. VII. &c.

*Beneficia Ecclesiastica gratis conferenda.*

1. PROP. 22. Non est contra iustitiam, beneficia Ecclesiastica non conferre gratis, quia collator conferens illa beneficia Ecclesiastica, pecunie interveniente, non exigit illam pro collatione beneficij, sed veluti pro emolumento temporali, quod sibi conferre non tenebatur.

Lib. 2. cap. 27. videbimus, quibus beneficia Ecclesiastica sint conferenda, & cap. 26. Simoniam committi, dum aliquid pro atqueundo beneficio Ecclesiastico confertur, vel recipitur; hic ideo est Confessarius breviter instruendus. Auctores propositionis docuisse, Collatorem, seu Distributorem beneficij aliquid sine iustitia posse ab eo, cui per ipsum conferetur, exigere, & accipere, quorum doctrina in allegata propositione ab Alex. damnatur: propterea

2. Quæritur, quare Collator beneficij

nil exigere, accipereve justè possit ab eo, cui beneficium conferit?

Resp. Quia vel iste, cui confertur, habet jus proprium ad accipiendum beneficium sic, ut ei absque injuria non possit non conferri, vel tale jus non habet, adeò ut Collator absque ipsius injuria potuisse talii beneficium dare; in primo casu, jam Collator tenetur ipsi determinatè beneficium conferre sine omni alio pretio, aut compensatione: in secundo vero, quamquam ad beneficium jus non habeat, habet tamen jus fundatum, tūm in legibus positivis Ecclesiae, tūm in æquitate naturali, ut, supposito, quod ipsi detur beneficium, id conferatur gratis, ergo Collator beneficij nullum jus habet exigendi aliquid; & quantum exigit, contra iustitiam peccat, & Confessarius non absolvendus, nisi restituerit, aut ad minus (supposita de praesenti impotencia) id sincerè promiserit; Illung. tr. 4. disp. 2. qu. 1. art. 3. §. 2. n. 18.

3. Sed queritur, quinam consequantur habere jus proprium ad beneficia?

Resp. Omnes, qui per examen magis idonei reperiuntur, juxta Trid. Ses. 24. cap. 18. de ref. & confir. B. Pii V. incip. in *Confeyendis*, apud *Quaranta sum. verb.* Beneficiorum Parochial. collat. nam, non est dubium, quemlibet per examen magis idoneum repertum, jus propriè dictum subiit, & in pacto per admissionem ad examen inito, saltem implicitè, ut, si ipse fuerit magis dignus ad beneficium reputatus, id sibi conferetur; ac etiam in lege Pii irritantis collationem beneficij, minus digno factam, & concedentis magis digno jus appellandi ad Superiorum in iusti Collatoris.

CA-